

ORATIO PRO INITA PACE

Inter Augustissimum Cæsarem Carolum
& Franciscum Regem Christianissimum,
Romæ ad altare sancti Petri Anno.
M. D. XXVI. VI. Idus Martias habita
per Reuerendum Patrem Franciscum
Episcopum Sperulum.



ORATIO PRO INITA PACE INTER

Augustissimum Cæsarem Carolum &

Franciscum Regem Christianiss. habita

per Reuerendum Patrem .F. Episcopum Sperlum .

QVOD priuatis quotidie precibus, publicis etiam supplicationibus, quod sacrosancta ex hac ara, aris templisq; omnibus, a summo Deo diisq; tam diu anxii poposcimus

P . S . diuino consilio, sapientis animi tui patientia diuturna, nostrorum principum generosa præstantia, saluterum, necessarium, incomparabile pacis donum sumus deniq; consecuti, idq; me hodie ad solamen, lætiamq; omnium dicendo enuntiare iussisti . Ego uero tametsi imbecillitatis mearum uirium conscius, tamen obedientiæ studio, extemporalis ingenii periculum, temeritatishq; aleam subire non ueritus, partim gaudio insperato, partim præteritæ calamitatis memoria, sentio mihi, extempore potius lachrymas, quam uerba supplicare . Qui enim pauloante in medio rerum freto tuimidis odiorum fluctibus iactabamur, quibus atra nox undiq; incubabat, quos hinc Aquilo, inde Ausfer, illic Euræ coniuatæ impietatis flatibus impellebant, quibus nulla Astrorū benigna serenitas, nulla in portum patebant effugia, qui omnem spem, quæ quidem in tanta prope desperatione, & ipsa dubia uidebatur, in te uno, qui imperterritus gubernaculo hærebas, sensimus

collocatam , in portum iam tandem tua potissimū pro
uidentia & constantia delati sumus , atq; a , præterito /
rum malorum moerore subtrahimur , & futurorum beno
rum opinione reficimur recreamur . Sunt profecto prin
cipes quasi uitales spiritus ciuitatum , ab his populorum
salutem , uitam , libertatem , dignitatem , fortunas , aras , fo
cos , diuina , humanaq; iura pendere quis neget ? unius
quippe principis studio , omnes pariter permouentur ,
& quasi nāuis temone dimoto , hac & illac dirigunt cur
sum . Vtq; ad præsentis colores Polypus & Chameleon
mutare colorem feruntur , sic ad principum mores , mo
res uariant populorum . si princeps blando pacis studio
teneatur , populum uideas hilarescere , splendescit no
bilitas , artificum turba ditescit , domus , uix , fora , pa
rietes , uillæ , agri , omnia demum sentire pacis tranquil
litatem uidentur , ea gestire , & exultare . At contra si
mutuis odiorum , belorumq; calcantibus principes inci
tentur , tum ueluti habenas equus infræpulsus , detrectat po
pulus leges , libido pro iustitia , pro opulentia egestas ,
inertia pro industria , pro civili societate seditio , pro
amicitia crudelitas dominatur . Hæc si nostri principes
animo discclusis affectionibus aliquando reputassent , non
Rhodum clarissimam , tantum reip. Christianæ præsi
dium pertinaci nuper hostium obsidione extortam , nō
Italiam deuastatam , non agriculturam desertam , non tot
publicas populationes , incendia , ruinas , populorum strā
ges frustra nunc miseri quereremur , at tum queremur
maxime , cum per discordiam licuerit aliquantulum re

spitare, & iucundæ pacis frui benignitate. fieri enim ut plurimum solet, ut minus tum pericula sentiamus, dum cum eis luctamur, defuncti his, demum stupidi admireremur magnitudinem mali, nec satis sciamus, unde salutis uia fuerit patefacta. Quare nunc erit perspicacius intueri, quanta, a, sæuissimo orientis Tyranno piæ propugnatrici nostræ Pannoniæ incendia parabantur, quod malum inermi ultra citrag pharum Siciliæ infestissima eius classis tanto instructa studio minabatur, & quæ etiam plurima nostris capitibus imminabant. At eorum præsertim, qui sublimiore positi loco cæteris præstitissent. o, perniciosa, dira, execrabilisq; discordia quibus uiis in tantorum principum pectora irrepsisti? quibus præstigiis admirabilem utriusq; uirtutem, magnanimitatem, pietatem fallere potuisti? Non satis uidebatur hanc terrarum principem Vrbein, tot pacis operibus, exterminorumq; bellorum clarissimis monumentis insignem, olim penitus sepelisse? ut nunc ea ex ima passim terra, quasi, e, bustis cadauera eruamus, omniq; laudē superiores miremur artificum manus, non satis funestam lamentabilemq; tantarum ruinarum faciem tuebaris? ut nunc iterum inuictis nostrorum principum animis, uiribus, studiis funditus erueri nos tentares? Sed frustra tentasti, nam discussis odiorum seminibus sapientissima pectora tuas insidias persenserunt, & Clemens Pater optimus ueluti scopulus, quem in Pelagi medio circumquaq; luctantes impetunt undæ tam diu is fractus, iunctus, immobilis perstitit, donec tantorum filiorum nobilis ira ipsa se

uicit, & ultro diuturnus æstus posuit animorū. In me-
dio stetit Iesus, & dixit, Pax uobis. Clemens in medio
ut arbiter constitutus in neutram sese partem deflexit,
sicq; non odio, non amore, e, iustitiæ deiectus gradu, tam-
diu pacem, pacem, pacem suadendo raucis iam faucibus
repetiuit, donec filii promissionis, & nunc uere demum
filii liberæ, qui periclitati sunt, ne putarentur ancillæ, pijs
hortationibus emolliti duros animos exuere, & abiectis
operibus tenebrarum induunt arma lucis, ac uere nūc filii
Dei uocantur & sunt, qui hæreditariam Dei seruatoris no-
stri pacem deniq; adierunt, & quod tanto facinori addi-
dit, ut græcis dicitur, colophonem, tunc patefacta est
regia nobilitas animorum, cum nullum fore tantis odiis
finem propemodum putabamus. Necessaria nimirū sunt
quandoq; bella, ut suauior pacis fructus gustetur, raro
enim magnorum principum dissidia dirimuntur, quin
pax & ipsa magnis adstricta foederibus præclarum ali-
quod facinus promittere uideatur. nisi petitus bello ac-
uictus Oriens a Macedone Alexandro fuisset, nunquā
feros inores barbari posuissent, non Alexandriam habuif-
set Aegyptus, nō Seleuciā Mesopotamia, nō Sogdiani
Prophthasiā, non India Bucephaliā, non ad septuaginta
præterea urbes a uictore extructas hidē Barbari uictoriæ
beneficio possedissent, Hyrcani nubere non didicissent,
Sogdiani genitorē nō iterimere sed nutrire, nō abstinuif-
sent a matrū cōubio Persæ, Agriculturā nescissent Ara-
chosii, Schytæ cōedissent ut prius humana cadauera, nō
supremo sepulturæ munere honorassent, ut nō īmerito

ea pars oibis sine sole fuisse Plutarchi testimonio credi
possit, quā Alexāndri oculus nō inspexisset, & infelices
hi ad quos armis nō eius uictoria peruasisset. Tāta uicto-
rum plerunq; benignitas est, tam magna clementia, ut
multi inuidere posse uictis merito uideantur, ita sæpe
belli iniuriæ, pacis beneficiis compensantur. Quapro-
pter liceat mihi nunc felicē dicere Sereniss. Imperatoris
nostri Caroli, & Christianiss. Regis Francisci discordiā,
necessariam pugnam, opportunam alterius captiuitatem;
ex quibus datur salutiferæ pacis ingentia foedera audire
arctissimo sanguinis uinculo ita connexa, ut præter id
quod de tantorum principum fide dubitari non possit,
necessitate etiam mutua urgeantur. Hæc Sereniss. Caro-
le tuā magna uictoria, hæc uera est palma, cætera huius
felicitatis exercitus tecū tuus ipsa fortuna partitur, hæc
tota tuæ uirtutis est gloria, proprius hic triumphus, quē
nulla unquam ætas poterit abolere. si uictoria uti, ut sane
poteras, uoluisses, non sic uicisses, nunc solus uicisti, nunc
inermis ne galliam modo, sed omnes ubiq; nationes de-
menuisti, ad quas tuæ clementiæ fama peruadet. Tu ue-
ro Frācisce fortissime desinas fortunā ulterius inculcare,
quod tuos ingentes spiritus non æquā represserit, & hoc
prospero pacis successu, ducas omnia compensata, neq;
illius ærumnæ Regē Christianissimū pigeat, quæ demū
Christianæ reip. spem summæ felicitatis attulerit: est &
tuus etiā tibi in hac ærūna triūphus, quod alpes alta niue
glacieq; obductas prius cū ingenti formidabiliq; exerci-
tu superasti, quam relictis post tergum hostes præsentire

potuerint , eosq; tua celeritate in Insubriam , quasi in ip-
sum odiorum agonem ex tuis finibus ita stupidos retrax-
isti , ut in diuersa præsidia sint abire coacti , ut cuiq; in
tam subita trepidatione fors dedit . Ticini tum partim cõ-
clusos , repugnante hyemis sæuitia , obsidionis perseveran-
tia , ad rerum ultima redelegisti , & pugnam quam demum
collecti undiq; per necessitatē proposuere , fortissime
iniisti , nunc ducis sapientissimi , nunc militis strenuissi-
mi munera obeundo , sicq; undiq; certamen instauran-
do , illatis atq; acceptis cruentus uulneribus , sustinu-
isti tam diu , donec a circumfusa hostium multitudine
prius capi quam uinci potuisti . hæc tuæ fortitudinis iu-
dicata magis quam narrata præconia , si cum fortunæ in-
uidia cõferantur inuita uictoria triumphasti . Lætare igi-
tur . P . S . habes enim tota quod mente petisti , poten-
tissimos Reges Sancto foedere , pia necessitudine , omni
uoluntate ac studio contra ueros hostes arma conuer-
tendi coniunctos , teq; suæ concordiae auctorem , foede-
ris caput , sanctæ expeditionis auspicem profitentur , id
quod suis ad te literis Imperator constantissime pollice-
tur . pulchrum profecto fuit sapientiæ tuæ exemplum
inter dissidentes neutri accessisse , non minus erit nunc
pulchrum & opportunum inter se iunctos complecti ,
& paribus paternæ charitatis ulnis adstringere , ut qui pa-
cis inter Christianos hortator piētissimus semper fuisti ,
necessarii quoq; in impios hostes belli auctor sanctissi-
mus , & auspex felicissimus prædicere . omnis sexus ,
ætas omnis , omnis ordo lætetur tantæ pacis futura fe /

licitate. Lætare in primis tu Respublica Christiana, quæ
 tuo sponso tam diu sterilis perstitisti, dudum sub Leone
 Decimo concepisti, nunc sub Clemente . VII . iucun-
 dissimum & optatum salutiferæ pacis germen feliciter
 peperisti.